Date: 28 July 1570 REF: GD112/39/8/19 (SHS ed. No. 123) Place: Grandtully Castle (near Aberfeldy) From: William Stewart of Grandtully To: Colin Campbell of Glenorchy Address:

Rycht honorable Sir eftir hartlie commendatioun. I resavit zour writting heir this Fryday the xxviij

of Julii be ten houris affeir none. And immediatlie resavit ane writting from my Lord of Atholl desyring me maist ernistlie to meit his Lordship vis nycht in Dunkell to pass withe him to Tullibarne or fordwarttis to Stirling as occasioun wald serwe. I suppone it be to speik my Lord Regent or ellis my Lordis of Mar and Lyndesay quhay hes send waray ernistlie for yat effect.<sup>1</sup> And wald hef cumyne to him quhair he is gif he wald nocht hef trawellit fordwart wnto yame. The Regent hes writtin to us all heirawayis barronis to meit him the secund day of August in Lythquhow in maist substantyowis and wyiralyk maneir withe ane lamentable narratywe and proclamatiounis ar past yairvpone. I heir the Maistir of Erroll and sundry utheris ar past to him all redy. Mony barronis ar able till obey the proclamatioun uthervayis yayis yat lyis laiche wilbe wrachrit.<sup>2</sup> As to my Lord of Huntleis owir cummyng I can nocht assure zow trewly of ye tyme yairof but I heir yair is certaine horssmen and hagbuttaris of his cummyne to Breichin. And for yat effect my Lord Ruthwen is past to Dundy and Arbroithe withe his freindis quhair my Lord of Bwichquhane Glames and ye Prowest of Dundy<sup>3</sup> with all yair freindis ar and siclyk hes sax scoir hagbutteris of ye Regenttis and ane certane horssmen. I beleif yay think to sey my Lord of Huntleis men and put yaim abak gif yay may. The brwit is siclyk yat ye Regent suld be yis nycht in Perthe. And yat Mortowin is cummyne owir the wattir and thinkis to mak ane suddane reid in Auguss affoir the Parliament. As we heir for swir yair is ane thowsand Inglissmen to keip the day in Lythquhow for it hes bene at ye Quene of Inglandis ardent desyre yat my Lord of Lennox hes acceppit say weichty ane chairg and upone hir fortificatioun and m[aintynance] besyd ye help yat his awin freindis may do to him. The watteris ar varay gryt heir instantly yairfoir ze knaw quhow defissill and cumirsum it is to my Lord of Huntly

to bring ane army fordwarttis as all standis. Bot I beleif trewly he sall do his diligence quhill force put him abak. And yis proclamatioun siclyk will stop mony barronis quhow weill yat ewir thay loviff him. Quho farther of yir procedingis fallis out ze salbe adverteissit. We heiff haid heir quhow the Clanchamroun hes tane up the Laird of Lawaris geir withe sum of his serwandis and slane ane in Straythfillanen.<sup>4</sup> I wat nocht gif my Lord of Atholl will accept zou for guid services or zit gif landis for ye doing yairof except mekle bettir service nour zou be done. And the Laird of La[waris reparit] according to his skaith and honour as becumis ... Farther I am swir ze hest hard of yis maist unhappy chance<sup>5</sup> betuix my Lord of Atthollis ?muster and zour serwandis guhow yay ar all maist mischewit stepand be wn--hap and mysgyding<sup>6</sup> for I ame swir yay war fowrty as able as ony hieland men in Scotland. Besyd MacWalchallum Glassis yair wer sevin ... extra ordaner. Bot yay yat gais to yair turnes rakleislie hefving owir meikle pryd in yair awin ability will fall as God plesis to lait yamme knaw yair awin strenthe. And now within yir aucht dayis my Lord of Attholl send for yame and spak yame say ernistly and despytewsly<sup>7</sup> yat yay promesit or yay suld sie him agane yat yay suld owther do him plesand service or yame resaiff gryt skaithe. And upon this he gaif every ane of yame out of his awin bag xxx shilling pecis and xx shilling pecis as he thoucht yam worthe. Yit it hes p[leisit] God to be uthervayis. My Lord of Attholl hes hard nay word yairof att y[is] present. Bot quhat can be yairof bot ye nixt best to becaus and [the] caris of yis wariand warld to be handelit ye best yat men may with the g[race] of God. I think best ze heist zow eist at ye leist to ye west end o[f] ye loche<sup>8</sup> and convoy zour sleff varay swirly for I am swir onfreindis wilbe the mair bald of yis mischance. We salbe als walcryff<sup>9</sup> heir as we ... And in my absens sall leif my brother<sup>10</sup> to await heir for I hef ewin neid as ony uther hes accepp zow. Say refeiris all uther to zour nixt adverteisand and God conserve zow. From Grantully vis xxviij of Julii 1570 be

Zour awyn, W S [PS] I thynk God willyng to be heir at hame agayne

on Vednesday or Thuresday nixt<sup>11</sup> at ye forrest.

I hef wrytin to Johne MacDois to be waray walkryf now in yir dayis.

<sup>4</sup> This was probably the group led by Duncan MacEwin Cameron, see [110]

<sup>7</sup> Contemptuously.

<sup>11</sup> 2-3 August.

<sup>&</sup>lt;sup>1</sup> For the suggested conference at Tullibardine (Perthshire) to negotiate between the King's and Queen's Parties in the Civil War, see [116].

<sup>&</sup>lt;sup>2</sup> Those lying low will be destroyed.

<sup>&</sup>lt;sup>3</sup> Probably Robert Douglas, earl of Buchan, John, 8th Lord Glamis, and James Haliburton of Pitcur, Provost of Dundee.

<sup>&</sup>lt;sup>5</sup> For details of the 'unhappy chance' betweeen Atholl's and Grey Colin's men see Introduction.

<sup>&</sup>lt;sup>6</sup> Mischieviously or injuriously prevented by misfortune and mismanagement.

<sup>&</sup>lt;sup>8</sup> Grey Colin was probably at Ilanran and was being advised to come east at least as far as Balloch Castle.

<sup>&</sup>lt;sup>9</sup> Watchful or vigilant.

<sup>&</sup>lt;sup>10</sup> Grandtully's brother Alexander Stewart, see [124].